

Ákvörðun Aganefndar L.H.

Mál nr. 1/2009

Tekið er fyrir mál nr. 1/2009

Frá yfirdómara, mótsstjóra og vallarstjóra og meðlimum Æskulýðsnefndar LH vegna atviks sem kom upp á æskulýðsmóti á ís sem haldið var þann 9. apríl 2009 í Skautahöllinni í Laugardal.

Málsatvik

Samkvæmt tilkynningu frá yfirdómara, mótsstjóra og vallarstjóra og meðlimum Æskulýðsnefndar LH kom það upp að einn dómarinn, Halldór Guðjónsson, kt. 310375-5359 neitaði að fara að fyrirmælum mótsstjórnar. Fólst neitun dómarans í því að hann neitaði að starfa með þeim ritara sem mótsstjórn hafði falið honum að vinna með og vildi dómarinn vinna með eigin ritara. Hótaði dómarinn að fara af mótinu ef hann fengi ekki vilja sínum framgengt. Samkvæmt upplýsingum mótsstjórnar tilkynnti mótsstjórn dómaranum að ekki yrði orðið við óskum hans og yfirgaf hann þá mótsstað.

Gögn málsins

Fyrir liggur tilkynning yfirdómara, mótsstjóra, vallarstjóra og meðlima Æskulýðsnefndar LH um málið: Yfirdómari Pétur Jökull Hákonarson; Mótsstjóri: Þorvarður Helgason; Vallarstjóri Águst Hafsteinsson Æskulýðsnefnd LH Helga Björg Helgadóttir, Sigríður Birgisdóttir, Sóley Margeirs dóttir, Þorvarður Helgason.

Forsendur Aganefndar LH

Aganend LH hefur farið yfir tilkynningu frá mótsstjórn vegna ísmóts frá 9. apríl 2009. Ekki þótti ástæða til að óska sérstaklega eftir frekari gögnum eða umsögnum í málinu. Í ákvæði 2.8.9.2 í lögum Landssambands hestamannafélaga segir:

“Dómarar, sem án gildrar ástæðu, mæta ekki til starfa og tilkynna ekki forföll, eiga á hættu að missa dómararéttindin, allt að sex mánuði.

Sama gildir og ef dómar sýnir vítaverða framkomu gagnvart keppendum starfsmönnum eða áhorfendum.

Dómarar skulu tilkynna forföll með a.m.k. 3 sólarhringa fyrirvara til mótsþaldara og dómaranefndar LH.”

Aganefnd LH telur að viðkomandi dómar hafi brotið gegn 2. mgr. greinar 2.8.9.2 í lögum L.H. ofangreindrar greinar. Í lögum LH sem og almennum viðmiðum um háttsemi dómarar á vegum LH. Með vísan til greinarinnar og 2. gr. reglugerðar um Aganefnd LH, telur nefndin rétt að svípta Halldór Guðjónsson dómararéttindum hans á mótum sem haldin eru á vegum L.H. í einn mánuð frá birtingu ákvörðunar þessarar fyrir viðkomandi.

Ákvörðun og viðurlög

Halldór Guðjónsson, kt. 310375-5359 er svíptur dómararéttindum sínum á mótum á vegum L.H. í einn mánuð frá birtingu þessarar ákvörðunar að telja. Ákvörðun þessi skal tilkynnt með sannanlegum hætti. Öllum ákvörðunum Aganefndar LH er hægt að áfrýja til dómstóls ÍSÍ.

Reykjavík 14. maí 2009, f.h. Aganefndar LH

Þorvaldur Sigurðsson

Atli Már Ingólfsson

Sæþór Fannberg